

高要縣志卷十九

謫宦錄 唐 宋 明

魏元忠 高 戩

韋承慶

甯嘉勗

王昊

許遠

崔伯陽

李紳

房千里

李珣

王著

崔嘏

杜裔休

楊收

高湜

高潯

袁守一

高要縣志

卷十九 謫宦錄

宋渾

蕭位 弟 佩 儒 儂

于方

吳士矩

張說

沈佺期

宋之問

張柬之

李邕

馮拯

黃國用

余寬

李璋 李 珣

王杲

馮恩

唐

魏元忠宋州宋城人聖歷二年為鳳閣侍郎同鳳

閣鸞臺平章事遷左肅政臺御史大夫兼檢校洛州長史張易之家奴暴百姓橫甚元忠笞殺之中宗在東宮爲檢校左庶子時二張勢傾朝廷元忠嘗奏曰臣承先帝之顧且受陛下厚恩不能徇忠使小人在君側臣之罪也易之等恨怒因武后不豫乃譖元忠與司禮丞高戩謀挾太子爲耐久計遂下制獄詔皇太子相王及宰相引元忠等辨於廷不能決昌宗乃引張說爲證說初僞許之至是迫使言狀不應后又促之說曰臣不聞也易之等遽曰說與同逆說曩嘗謂元忠爲伊周夫伊尹放

高要縣志

卷十九

謫宦錄

二

大甲周公攝王位此反狀明甚說曰易之昌宗安知伊周臣乃能知之伊尹周公歷古以爲忠臣陛下不遣學伊周將何效焉說又曰臣知附易之朝夕可宰相從元忠則族滅今不敢面欺懼元忠之寃后悟其讒然重違易之故貶元忠高要尉新唐書本傳時長安三年九月丁酉新唐書則元忠至官整戎旅備峒寇居期月民猺恬謐舊志中宗復位召爲衛尉卿同中書門下三品新唐書本傳戩謫端州長史

卒於官

舊志

韋承慶字延休長安中拜鳳閣侍郎同鳳閣鸞臺

平章事張易之誅承慶以素附離免冠待罪時議  
草赦令咸推承慶召使爲之無撓色誤辭援筆而  
就衆歎其壯新唐書韋思謙傳坐附推易之弟昌宗失實  
舊唐書本傳神龍元年二月甲寅貶高要尉舊唐書中宗紀有  
送紫石硯者置案上歲餘起辰州刺史以前硯還  
之舊志

甯嘉勗官永和丞神龍三年七月皇太子重俊被  
害官屬莫敢視惟嘉勗號哭解衣裹其首時人義  
之宗楚客怒收付詔獄貶平興丞卒睿宗立贈永

和令新唐書節愍太子傳

高要縣志

卷十九 謫宦錄

三

王昊開元二十四年爲益州長史劍南節度使分  
道經略以討吐蕃二十六年昊率劍南兵攻安戎  
城吐蕃悉銳以救官軍大敗昊脫身走免將士及  
軍糧資仗並沒於賊左遷括州刺史初昊在軍謬  
賞其子錢帛萬計並擅與紫袍等所費鉅萬坐是  
重貶高要尉而死舊唐書吐蕃傳  
許遠右相敬宗曾孫寬厚長者明吏治初客河西  
章仇兼瓊辟署劍南府欲以子妻之固辭兼瓊怒  
以事劾貶高要尉新唐書本傳民有所訴不歸令而歸  
尉府志更赦還會安祿山反或薦於元宗召拜睢陽

太守

新唐書本傳

崔伯陽乾元中爲御史中丞鳳翔七坊士數剽州縣間殺人尉謝夷甫不勝怒榜殺之士妻訴李輔國輔國請御史孫鑿窮治獄久不具詔伯陽與三司參訊未決乃使御史毛若虛按之卽歸罪夷甫伯陽爭甚力若虛慢拒伯陽怒若虛卽馳入白於帝詔姑出若虛泥訴日臣出卽死因蔽若虛殿中而召伯陽伯陽至具劾若虛罔上帝主先語叱伯

陽出

新唐書毛若虛傳

貶高要尉

舊唐書李煜傳

李紳字公垂中書令敬元曾孫世宦南方客潤州

高要縣志

卷十九

謫宦錄

四

穆宗時爲戶部侍郎李逢吉欲陷之紳族子虞有文學名隱居華陽自言不願仕時來省紳雅與柏耆程昔範善及耆爲拾遺虞以書求薦紳惡其無立操痛誚之虞失望後至京師悉暴紳所言於逢吉逢吉滋怒乃用張又新李續等計擢虞昔範與劉栖楚皆爲拾遺以伺紳隙內結中人王守澄自助會敬宗立逢吉知紳失勢可乘使守澄從容奏言先帝始議立太子杜元穎李紳勸立深王獨宰相逢吉請立陛下而李續李虞助之逢吉乘間言紳嘗不利於陛下請逐之帝初卽位不能辨乃貶

紳爲端州司馬栖楚等怒得善地皆切齒詔下百  
官賀逢吉唯右拾遺吳思不往逢吉斥思令告大  
行喪於吐蕃此時無人敢言者惟韋處厚屢言紳  
枉折逢吉之姦後天子於禁中得先帝手緘書一  
笥發之見裴度元穎紳三疏請立帝爲嗣始大感  
悟悉焚逢吉黨所上謗書始紳南逐歷封康間湍  
瀨險澀惟乘漲流乃濟康州有媪龍祠舊傳能致  
雲雨紳以書禱俄而大漲寶歷赦令不言左降官  
與量移處厚執爭詔爲追定得徙江州長史

新唐書本

傳 端人畱其衣帶祠之

志舊

高要縣志

卷十九

謫宦錄

五

移家來端州先寄以詩菊花開日有人逢知過衡  
陽迴雁峯江樹送秋黃葉少海天迎遠碧雲重音  
書斷絕聽蠻鵲風水多虞祝媪龍想見病身渾不  
識自磨青鏡照衰容  
召還追端州昔遊作天將南北分寒燠北被羔裘  
南卉服寒氣凝爲逆黨驕炎蒸結作蟲虺限荒傲  
止化惟荆蠻漢武鑿遂通孱顏南標銅柱限荒傲  
五嶺從茲窮險艱衡山截斷激如繩直崖旁  
烟黑萬壑奔蕩溢作瀧飛浪激如繩直崖旁  
聳猿獻悲丹蛇元虺潛蛟瀧夫擬楫擘高浪瞥  
忽沉浮如電隨嶺頭刺竹蒙密火拆紅蕉燄燒  
日嶺上泉分南北流行人照水愁傷骨陰森石路  
盤縈紆雨寒日燠常須瘴雲暫卷火呼外蒼茫  
海氣窮番禹鷓鴣猿鳥聲相續椎髻曉呼同戚促  
百處溪灘異雨晴四時雷電迷昏旭魚腸雁足望  
緘封地遠三江嶺萬重魚躍豈能通遠峽雁飛難  
度瘴江東雲蒸地熱無霜霰桃李冬花匪時變天  
際長垂飲澗虹簷前不去銜泥燕幸逢雷雨邊妖  
昏提挈悲歡出海門西日眼明書成竟何益物忌  
辨寒溫賈生謫去因前席痛哭書成竟何益物忌

忠良表是非朝驅絳灌為讐敵明皇聖德異文皇  
不使無辜困鬼方漢日傳臣終委棄如今衰叟重  
輝光高明白日恩深海齒髮雖殘壯心在空媿驚  
駘異一元無令朽骨慚千載

房千里字鵠舉河南人太和中進士官博士貶端

州別駕後遷高州刺史

舊志

李羣玉畱別房千里與馬使君詩俱來海上歎烟  
波君佩銀魚我觸羅經國才微甘放蕩專城年少  
豈蹉跎應憐旅夢千重思共愴離心一曲歌惟有  
管絃知客意分明吹出感恩多

李珣字待價其先出趙郡客居淮陰開成中以戶

部侍郎同中書門下平章事進封贊皇縣男始莊

恪太子薨帝意屬陳王既而帝崩中人引宰相議

所當立珣曰帝既命陳王矣已而武宗即位人皆

高要縣志

卷十九

謫宦錄

六

危之珣曰臣下知奉所言安知禁中事遷門下侍

郎為文宗山陵使會秋大雨梓宮至安上門陷於

濘不前罷為大常卿終以議所立故貶江西觀察

使再貶昭州刺史

新唐書本傳

會昌元年三月貶端州

司馬

舊唐書武宗紀

宣宗即位內徙郴舒二州

新唐書本傳

王著貶端州司戶參軍

樊川集

崔嘏字乾錫清河人元和十五年進士

舊志

大中二

年李德裕之斥嘏為中書舍人作詔不肯巧傳以

罪坐制書不深切貶端州刺史

新唐書李德裕傳

在官答

撈不加獄市自靜以壽終

舊志

杜裔休京兆萬年人懿宗時歷翰林學士給事中

坐事貶端州司馬

新唐書  
杜佑傳

楊收字藏之自言隋越國公素之裔世居馮翊

新唐

書本

咸通四年以翰林學士承旨兵部侍郎同中

書門下平章事

新唐書  
懿宗紀

南蠻自大中以來勢益張

收議豫章募士三萬置鎮南軍以拒蠻蠻不能支

又峙食汎舟餉南海天子嘉其功進尚書右僕射

封晉陽縣男既益貴稍自盛滿為夸侈門吏童客

倚為姦中尉楊元价得君收與之厚收之相元价

實左右之乃招四方賕餉數千誘收不能從元价

高要縣志

卷十九

謫宦錄

七

以負已大恚陰加毀短知政凡五年罷為宣歙觀  
察使韋保衡又劾收前用嚴譔為江西節度使受  
謝百萬及他隱盜明年貶端州司馬吏具大舟以  
須收不從曰方謫去可乎以二小舸趨官又明年

流驩州俄詔內養追賜死

新唐書  
本傳

高湜字澄之第進士累官兵部侍郎判度支

新唐書  
高

武

再鎮澤潞為亂將所逐貶高要尉

舊唐書  
柳公綽傳

高潯為昭義節度使中和元年八月與賊將李詳  
戰於石橋敗歸河中賊乘勝陷同州九月潯貶端

州刺史

舊唐書  
僖宗紀

流徙

袁守一中宗朝官右臺侍御史坐黨宗楚客配流

端州

全唐文  
小傳

宋渾邢州南和人與李林甫善歷諫議大夫平原

太守御史中丞東京採訪使在平原暴斂求進至

重取民一年庸租使東畿薛稷甥女鄭寡而美渾

使河南尉楊朝宗聘而已納之薦朝宗為赤尉

新唐

書宋  
璟傳

天寶九載為人所發贓私數萬貫林甫奏璟

子渾就東京臺推有實狀流高要郡

舊唐書  
宋璟傳

蕭位郃國公主子公主肅宗女出降駙馬蕭升升

高要縣志

卷十九

謫宦錄

八

早卒穢聲流聞德宗怒貞元中幽主別第公主行

厭禱位為禱文位弟佩儒偲及異父兄裴液並長

流端州液父徽初尚郃國徽卒降蕭升

舊唐書  
蕭復傳

案新唐書公主傳位囚端州佩儒偲囚房

州裴液囚錦州液父徽作裴徵

于方長慶時以勳家子通豪俠欲事河朔以策干

宰相元稹而李逢吉黨謀傾執政乃告稹結客刺

裴度事下有司驗無狀方坐誅

新唐書  
于頔傳

詔曰于方

罪犯合處極刑以其父頔頃在襄陽頗能幾諫不

陷不義方實有焉又念其弟季友嘗聯國姻特宜



免死長流端州

穆宗 詔

吳士矩章敬皇后弟淑子開成初為江西觀察使  
饗宴侈縱一日費凡數十萬初至庫錢二十七萬  
緡晚年纔九萬軍用單匱無所仰事聞中外共申  
解得以親議文宗弗窮治也貶蔡州別駕諫官執  
處其罪不納於是御史中丞狄兼暮建言階下擢  
任士矩非私也士矩負陛下而治之亦非私也請  
遣御史至江西即訊使杜江淮他鎮循習意帝聽  
乃流端州

新唐書 吳湊傳

流寓

高要縣志

卷十九

適宦錄

九

張說字道濟或字說之其先自范陽徙河南更為  
洛陽人永昌中武后策賢良方正署乙等累擢鳳  
閣舍人張易之誣陷魏元忠援說為助說廷對元  
忠無不順言忤后旨流欽州中宗立召為兵部員  
外郎

新唐書 本傳

始說過端州高戩謫長史說賦詩與

別及召還而戩已卒復為詩悼之

舊志 高戩傳

端州別高六異壤同羈竄中途喜共過愁來時舉  
酒勞罷或能歌南海風濤壯西江瘴癘多於焉復  
判手此別傷如何  
還至端州驛前與高六別處有感舊館分江口悽  
然望落暉相逢傳旅食臨別換征衣昔記山川是  
今傷人代非往來皆此路生死不同歸

沈佺期字雲鄉相州內黃人及進士第由協律郎

累除給事中考功受賊劾未究會張易之敗遂長

流驩州

新唐書本傳

久寓端康間有峽山寺賦

舊志

宋之問字延清一名少連汾州人爲左奉宸內供

奉時張易之等烝昵寵甚之問與閻朝隱沈佺期

劉允濟傾心媚附及敗貶瀧州逃歸洛陽匿張仲

之家會武三思復用事仲之與王同皎謀殺三思

安王室之問得其實令兄子曇與冉祖雍上急變

因丐贖罪天下醜其行景龍中諂事太平公主見

用及安樂公主權盛復往諧結睿宗立以獯險盈

惡詔流欽州賜死

新唐書本傳

之問再被竄謫途經江

高要縣志

卷十九

謫宦錄

十

嶺所有篇詠傳布遠近友人武平一爲之纂集成

十卷傳於世

舊唐書本傳

先後至端州皆有詩

舊志

至端州驛見杜五審言沈三佺期閻五朝隱王二

無競題壁慨然有懷逐臣北地承嚴譴謂到南中

每相見豈意南中岐路多千山萬水分鄉雲搖

雨散各分飛海闊天長音信稀處處山川同瘴癘

自憐能得幾人歸  
端州別袁侍郎令浦塗未極端州行暫臨淚來空

濕臉愁至不知心客醉山月靜猿啼江樹深明朝

共分手之子愛千金

案舊唐書作虢州宏農人

張柬之字孟將襄州襄陽人長安中武后謂狄仁

傑曰安得一奇士用之仁傑曰陛下求文章資歷

今宰相李儁蘇味道足矣豈文士齷齪不足與成

天下務哉后曰然仁傑曰荊州長史張柬之雖老宰相材也用之必盡節於國卽召爲洛州司馬它日又求人仁傑曰臣嘗薦張柬之未用也后曰遷之矣曰臣薦宰相而爲司馬非用也乃授司刑少卿秋官侍郎後姚崇爲靈武軍使將行后詔舉外司可爲相者崇曰張柬之沈厚有謀能斷大事其人老惟亟用之卽日詔見拜同鳳閣鸞臺平章事進鳳閣侍郎誅二張也柬之首發其謀以功擢天官尚書同鳳閣鸞臺三品漢陽郡公實封五百戶

新唐書本傳

初柬之勒兵景運門將遂夷諸武會日暮

高要縣志

卷十九

謫宦錄

十一

事遽桓彥範不欲廣殺俄而三思竊入宮因韋后

反盜朝權朋讒奇中

新唐書桓彥範傳

不半歲以漢陽郡

王加特進罷政事柬之旣失權願還襄州養疾乃

授襄州刺史又懇辭王爵不許

新唐書本傳

王同皎謀

誅三思事洩三思誣彥範等同逆陰令許州司功

參軍鄭愔上變彥範等五王皆貶柬之新州司馬

悉奪勳封三思又疏韋后隱穢於道請廢之帝震

怒三思猥曰此殆彥範輩爲之

新唐書桓彥範傳

又流瀧

州憂憤卒年八十二

新唐書本傳

案柬之廟祀高要顧嘗寓此與否不可知

杭世駿嶺南集謁人賢祠詩以高要志不載東之爲非當別有所據錄以俟考

李邕字泰和揚州江都人元宗卽位爲戶部郎中左遷括州司馬起爲陳州刺史帝封太山還邕見帝汴州詔獻詞賦帝悅然矜肆自謂且宰相邕素輕張說與相惡會仇人告邕贓貸枉法下獄當死許昌男子孔璋上書請代邕死得末減貶遵化尉邕妻温復爲邕請戍邊自贖不省後從中人楊思勗討嶺南賊有功徙澧州司馬

新唐書本傳

開元十五年

舊志

年至端州有石室記

高要縣志

卷十九

適宦錄

十二

宋

馮拯字道濟河陽人舉進士官右正言淳化中有上封事請立皇太子者拯與尹黃裳王世則洪湛伏閣請立許王元僖太宗怒悉貶嶺外拯知端州既至上言請遣使括諸路隱丁更制版籍及議鹽法通商凡十餘事太宗欲召還參知政事寇準素不悅拯乃徒知鼎州改通判廣州遷尙書員外郎

宋史本傳

拯知端州見嶺表鳥獸草木民俗物情舉異

中原錄爲三十門凡三百事還朝上之

文獻通考

明

流寓

黃國用字子思吉水人由進士任監察御史嘉靖三年議禮謫蓮塘驛丞僑居高要諸生從之講學六年遷州判去

余寬字約中臨海人進士爲吏部文選郎中議禮謫戍寓高要有才名學者多歸之後赦還

俱舊志

李璋字德芳順天通州人進士

舊志

官山西布政使

嘉靖五年妖賊李福達獄起遣官往械巡按御史馬錄及前問官璋按察使李珏等時璋珏已遷都御史璋巡撫寧夏珏巡撫甘肅皆下獄廷訊命張

高要縣志

卷十九

謫宦錄

十三

璉桂萼方獻夫分署三法司事嚴刑推問錄不勝刑自誣故人罪萼等乃定爰書列諸臣罪名帝悉從其言謫戍極邊遇赦不宥者五人

明史高璋錄傳

璋

珏皆雷州並寓高要與士大夫篇詠相酬和珏形迹稍存璋則雖鄉人油然與居也嘗於孝肅祠傍構小亭榜曰萬里灑然又築一壺亭於城西北隅著南戍稿居十餘年卒子諄隨侍旣舉進士爲都察院都事陳情代戍後歷按察使每遇高要人若鄉曲然珏開州人進士遇赦召爲大理寺卿

舊志

王杲字景初汶上人正德九年進士嘉靖中累官

戶部尚書時國儲告匱諸邊請增餉無虛月四方多水旱杲掌邦計事無不辦帝深倚之後有詔買龍涎香久不進帝以此不悅給事中馬錫勅杲及巡倉御史艾朴受賄並下獄遣戍明史本傳杲戍雷州寓高要之崧臺書院子世雍爲按察副使棄宮來省未幾遣歸世雍束裝戀戀未行一夕杲與客奕五鼓遽卒遂扶櫬歸舊志

馮恩字子仁華亭人嘉靖五年進士擢南京御史十一年冬彗星見詔求直言恩以天道遠人道邇乃備指大臣邪正而極論大學士張孚敬方獻夫

右都御史汪鋹三人之姦謂孚敬根本之彗鋹腹心之彗獻夫門庭之彗三彗不去百官不和庶政不平雖欲弭災不可得帝得疏大怒逮下錦衣獄究主使名恩曰受榜掠瀕死者數語卒不變明年春移恩刑部獄帝欲坐以上言大臣德政律致之死尚書王時中等言恩疏毀譽相半非專頌大臣宜減戍帝愈怒曰恩非專指孚敬三臣也徒以大禮故仇君無上死有餘罪時中乃欲欺公鬻獄耶恩竟論死長子行可年十三伏闕訟冤日夜匍匐長安街見冠蓋者過輒攀輿號呼乞救終無敢言

者時鉉已遷吏部尚書而王廷相代爲都御史以  
恩所坐未當疏請寬之不聽比朝審鉉當主筆東  
向坐恩獨向闕跪鉉令卒拽之西面明史本傳恩厲聲  
曰吾此膝跪朝廷耳豈爲汪鉉屈跪耶世濟錄鉉曰  
汝屢疏欲殺我我今先殺汝恩叱曰聖天子在上  
汝爲大臣欲以私怨殺言官耶且此何地而對百  
寮公言之何無忌憚也吾死爲厲鬼擊汝鉉怒曰  
汝以廉直自負而獄中多受人餽遺何也恩曰患  
難相恤古之義也豈若汝受金錢鬻官爵耶因歷  
數其事詆鉉不已鉉益怒推案起欲毆之恩聲亦

愈厲廷相與尚書夏言引大體爲緩解鉉遽署

眞恩出長安門士民觀者如堵皆歎曰是御史非

但口如鐵其膝其膽其骨皆鐵也因稱四鐵御史

明史本傳刻所與鉉爭辨語鬻之市四夷貢使爭購以

世濟錄歸 恩母吳氏擊登聞鼓訟冤不省又明年行

可上書請代父死不許其冬事益迫行可乃刺臂

血書疏自縛闕下通政使陳經爲入奏帝覽之惻

然令法司再議尚書聶賢與廷相言前所引律情

與法不相麗宜用奏事不實律輸贖還職帝不許

乃言恩情重律輕請戍之邊徼制可遂遣戍雷州

而鉉亦後兩月罷明史本傳恩寓高要邑士皆從其遊

著作甚富舊志越六年赦還明史本傳